

## Нарт делкән багъчудин 6-ч фестивальд нерәддж

НАЛЬЧИК, июлин 29. (ТАСС). „Спартак“ общественин альпинистр Иосиф Кахиани болн Михаил Хергиани Донгуз-Орун гидг кавказск улин ора деер ар үзгәснь давшдж гарч. Иим зовлнъгта хаалгъар уул давшлгън экн шин болджах, советск альпинизмин алдршгсн күцмдж болджана.

Донгуз-Орун деер давшлгън (өөдмджин өндрнь 4500 метр-шаху) гурви суутк шахуд болв. Уулин чагчмнь 70 градус, гилгр мөсн болн пасн

дееркинъ бәрчксн участксиг спортсменмүд дамдждж-лавшдж гарцхадж. Уулин заагт шаачксн дегәгъәс деесәр бийсән уйчкад альпинистр хонад йовдж.

Зовлнъ-түрүлә залу кевәр ноолдад, нег-негнәннь әм харсад, физкультурникүд урднь күмн йовад уга хаалгъар уулин ора деер гарцхадж.

Альпинистр эн уул деер давшдж гарсан нарт делкән багъчудин болн студентрини 6-ч фестивальд нерәддж.